



SÁMIRÁĐĐI
SAAMELAISNEUVOSTO
SAMERÁDET
COI03 CAAMOB
SAAMI COUNCIL

OCA
Office for Contemporary Art Norway

K
O
R
O

Dáidda, Kolonialisma, Álgoálbmotvuohhta. Leago áigi láddan duohtavuhtii ja seanadeapmái?

Open Call ja digitála dialogat

Sámiráđđi, OCA ja KORO leat ovttasbarggus gárgehan proševtta, mii guorahallá duohtavuodá- ja soabadankommišuvnna modealla vádjitvuodáid ja vejolašvuodáid bargoreaidun (dáláš ja boahhtevaš) eastin dihte eamiálbmogiid kolonialismma vásáhusaid Fennoskandia guovllus, Sámis. Mot duohtavuodá- ja soabadanproseassa ovddida kolonialisttalaš háviid savvoma, mat leat šaddan sámiid gorudiid, eatnamiid ja vuoiŋgalaš jáhkuid juohkemeahtun oktavuodas, ja mot dat dákko bokte buktá lagabui sápmelaččaid ja Norgga riikkavuložiid, geaid geahččanguovlu soaitá dán áigge orrut muhtumassii soabatmeahtun?

Dán proševttas leat guokte oasi. Prošeakta čohkiida **Open Call** (sg. *rabas bovdehus*), mii bovde ráhkadit dáiddabarggu Oslo gávpoga almmolaš sadjái ja **digitála dialogain** miehtá riikka. Fidnu lea iehčanas, muhto das leat čanastagat Duohtavuodá- ja soabadankommišuvnna formála prosessii, mii lea álggahuvvon jagi 2019 ja nohká jagi 2022. Prošeakta maiddái reflekttere seammá sullasaš proseassa lihkestumiid ja eahpelihkestumiid Turtle Islánnas Kanádas, jagi 2015.

Dáidda, Kolonialisma, Álgoálbmotvuohhta. Leago áigi láddan duohtavuhtii ja

seanadeapmái? speadjalastá roahkkadit sámiid gillán historjjálaš ja dáláš kolonialisttalaš proseassaid váikkuhusaid, mat leat normaliserejuvnon viidát dáža servodagas, ja jearrá, mot duohtavuodá- ja soabadandoaibmagoddi sáhtta geahččalit vástidit daidda. Dat jearrá, mot govvadáidda sáhtta buktit servodaga dihtosii guokte čuovvovaš jearaldaga: Man ollu Norgga servodat dovdá vásáhusaid sámi árbedieđu struktuvrralaš jávkadeamis ja vearedaguid luonddu vuostá, mat leat njuolga čadnosis kolonialisttalaš politihkkii ja infrastruktuurii? Ja juos dovdájit, de man olu Norgga riikkavuložat jurddašit, ahte lea riikkavuloža geatnegasvuohhta ovtta sámiiguin, váldit kollektiivvalaš rolla rievdadit duodalašvuodá dakkár doahpágiiguin, dego “duohtavuohhta” ja “soabadeapmi”?

Osolaččaid ságastallamiid maŋŋá, ***Dáidda, Kolonialisma, álgoálbmotvuohhta. Leago áigi láddan duohtavuhtii ja seanadeapmái?*** vuolggaha **Open Call** -doaimma daid sámi dáiddáriidda, geat háliidit ovddidit bissovaš dahje dihto áigodahkii čadnojuvnon dáiddaproševtta Oslo gávpoga almmolaš sajis kritihkalaš ja estetiikalaš guorahallamiin daid jearaldagaid olis. Proševtta hápmi dahje proseassa lea rabas.

Lea dehálaš váldit vuhtii Oslo historjjálaš ja politihkalaš konteavstta dán **Open Call** -doaimma jođiheaddjin: gávpot, mii duođaštii sámiid bálggesčuolli nealgestreaikka ja váldimiid Álaheaju akšuvnnas jagiid 1978-1981 ja vástidii áibmadas solidaritehtain, ja dattetge gávpot, gos illá gávnojit mearkkat dán mearkkašahtti historjjálaš dáhpáhusas; gávpot, man identitehta lea dán áigge dehálaš sámeálbmogii iige das vuos leat almmolaš dovdomearka, mii gudnejahtá sin ángiruššama servodaga ovdii; ja gávpot, gos našuvnnalaš politihkas ságastallet ja ásahit guhkes áigegaskka váikkuhusaid dasa, mot Sápmi ja Norga deaivvadit ovttas boahttevuoda vejolašvuodaid ja hástalusaid.

Open Call lea rabas buot sámi dáiddáriidda miehtá Sámi. Dat oidá earenoamážit fitnuid, mat čikŋot sámi metodaide ja sámi vugiide Leahkit, dahkat, dovdat ja oaidnit sámi geahčanguovlluid ja dárkkodit ođđasis muitomearkka ja dáidaga hámi almmolaš sajis otne.

Ovttasráđiid OCA ja Sámiráđđi jođihit ráiddus **digitála dialogaid**, mat lebbejuvvojit našuvnnalaččat viidát. Dain leat mielde iešguđet sohka buolvvaid norgalaš ja sápmelaš dáiddarat ovdanbuktime sin refleksuvnnaid ja fuolaid dálá dili vejolašvuodain ja hástalusain Duohtavuoda- ja soabadanproseassa Norggas.

Open Call -doaimma ollašuhttin sámiid muitomearkka / dáiddaprošeavtta huksema várás almmolaš sajis Oslos.

KORO jođiha sámiid muitomearkka / dáiddaprošeavtta huksenprošeavtta ollašuhttima Oslos. Open Call maŋŋá duopmárat mearridit, geat vihtta dáiddára bovdjuvvojit oassálastit doibmii. Dasa lassin duopmárat välljejit guđemuš dáiddár välljejuvvo ollašuhttit barggu. Gilvvu vuoti almmustahttojuvvo 15.1.2022.

Dáiddaprošeakta / monumeanta galgá válmmaštuvvat geassemánu 2023 rádjái.

Duopmáriid joavkkus leat ovddasteaddjit Sámiráđis, Sámi Dáiddačehpiid searvvis, KOROs ja OCAs.

Sámiráđđi

Sámiráđđi lea pan-sámi lahttoorganisašuvdna (NGO), mas leat sámi politihkalaš ja kultuvrralaš miellahttoorganisašuvnnat Suomas, Ruoššas, Norggas ja Ruotas. Sámiráđđi lea gitta vuodđudeami rájes, jagi 1956, dikšon aktiivvalaččat sámi politihkalaš áššiid, ja dat lea okta boarráseamos eamiálbmogiid organisašuvnnain. Sámiráđi váldomihttomearri lea ovddidit sámiid vuoigatvuodaid ja ovdduid dan njealji riikkas, gos sámit orrot. Sámiráđi váldobargu lea nannet sámiid oktavuodadovddu, juksat sámeálbmoga dovddasteami, ja seailuhit sámiid kultuvrralaš, politihkalaš, ekonomalaš ja sosiála vuoigatvuodaid lálkaásaheamis dan njealji stáhtas, masa Sápmi lea juhkkujuvvon.

Sámi Dáiddačehpiid Searvi

Jagi 1979 vuodđuduvvon Sámi Dáiddačehpiid searvvi mihttomearri lea doaimmat ámmátlaš organisašuvdnan, mii doarju sámedáiddáriid, duojáriid ja dáiddagovvejeddjiid olles sámevuovllus. SDS ulbmil lea suodjalit lahtuideaset ámmátlaš, ekonomalaš, sosiála ja idealisttalaš ovdduid. Stivrenkomitea ja uniovnna dáiddalaš ráđđi doibmet ollašuhtti

orgánan jahkečoahkkimiid gaskkas. Stivrenkomitea sihkkarastá, ahte jahkečoahkkimiid intenšuvnnat ja mearrádusat čuvvojuvvojit, ja dáiddarádis lea ovddasvástádus čađahit dáiddalaš árvoštallamiid. SDS lea maiddái sámi dáiddaservviid alimus organisašuvnna, sámi dáiddasearvvi lahttu. Das leat oktavuodát Davviriikkaid ja Eurohpa dáiddaráđđái. SDS oastinkonsulttat addet ávžžuhusaid sámi kulturráđi dáidaga skáhpponkomiteai ođđaáigásaš sámedáidaga ja sámeduoji oastima birra.

KORO

KORO lea Norgga stáhta almmolaš sajiid dáidaga fágasuorgeorganisašuvdna, mii lea organiserejuvvon stáhta virgedoaimmahakan kulturministeriija vuollásažžan. Fágalaš doaibmamii heivehuvvo giehtagáva guhkkodaga prinsihppa. KORO buvttada, hálddaša ja lebbe dáidaga almmolaš huksehusain ja eará almmolaš arenain. Bargočoakkáldat oažžun ládje sullii duhát báikkis Norggas ja riikkaidgaskasaččat.

OCA

Norgga ođđaáigásaš dáidaga doaimmahat lea vuodđudus, mii ii vikka oažžut vuoittu. Dan leat vuodđudan Norgga kultur- ja olgoministeriijat jagi 2001. Dan váldomihttomearri lea ovddidit gulahallama dáiddáriid gaskkas Norggas, Sámis, ja riikkaidgaskasaš dáidagiid suorggis ja lassin doarjut Norggas ássi dáiddáriid miehtá máilmmi. OCA diskursiiva, čájáhus-, publikašuvdna-, resideansa- ja galledeaddjiprográmmaid čuovvumuššan váldofokus lea buktit Norgii riikkaidgaskasaš dáiddalaš ságastallamiid geavadiid ja historjjá dan mađe, go háliidit searvat aktiivvalaččat dákkár ságastallamiidda našuvnnalaččat ja riikkaidgaskasaččat. OCA:s lea leamaš ovddasvástádus Norgga oassálastimis Biennale di Venezia govvadáiddaoassái jagi 2001 rájes.

Vuosttamuš muddu

Ohcamuš galgá sisttisoallat:

- oanehis teavstta, mii ákkastallá beroštumi dán bargui
- portfolio, mas leat govat dahje hápmosat guovddáš dáidagiin
- CV
- Ohcanáigi nohká 15.9.2021 dmu 13 (GMT +1)
- Open Call:s ii máksojuvvo buhtadus
- **Ohcamuša galgá sáddet šleađgapoasttain:** opencall@koro.no

Nubbi muddu

- Duopmárat almmuhit 30.9.2021 vihtta finalistta, geat bovdejuvvojit gilvalit sámiid muitomearkkas / dáiddaduojis Oslo almmolaš sajis
- Gilvomateriála čohkiida bargguin, mat huksejuvvojit gaskaboddasaččat dahje bissovaččat. Duopmárat eai ásat rávvagiid barggu guhkkodahkii.
- Gilvobargguin máksojuvvo 35 000 Norgga ruvnno.
- Gilvalanbargguid mearreáigi lea 15.12.2021

Goalmmát muddu

- Gilvvo vuoti almmustahttojuvvo 15.1.2022

- Barggu čađaheapmái bovdejuvvon dáiddáarii doaimmahuvvo ollislaš bušeahtta, mas dáiddar mearrida dáiddára bálkkašumi ja buvttadusmávssu evttohusa mielde. Bargu galgá čađahuvvot 23.6. rádjái

Ohcanprosessii dahje bargui guoski jearaldagat čujuhuvvojit:

Trude Schjelderup Iversen, Kuráhtor ja prošeaktajodiheddji KORO (ti@koro.no)

Katya García-Antón, Jodiheddji ja OCA váldokuráhtor (katya.garcia-anton@oca.no)

Christina Hætta, Sámiráđi kulturossodaga hoavda (christina@saamicouncil.net)